

#RSABUDGET2026

'n Gesamentlike publikasie tussen die Nasionale Tesourie en die Suid-Afrikaanse Inkomstediens

#RSA Budget

#RSABudget2026

UITGEREIK DEUR

national treasury
Department:
National Treasury
REPUBLIC OF SOUTH AFRICA

Tel.: (012) 315 5100

Media@treasury.gov.za

www.treasury.gov.za

INLIGTING

WAT IS DIE
BEGROTING?

Die Finansiesminister maak voor die begin van elke boekjaar die nasionale begroting vir die regering se bestedings-, belasting- en leningsplanne vir die volgende 3 jaar bekend. Die nasionale begroting verdeel geld tussen nasionale departemente, provinsies en munisipaliteite.

HOE WORD DIE
BEGROTING
OPGESTEL?

1. Departementele riglyne wat begrotingsinligtingvereistes aandui, word uitgereik
2. Departemente prioritiseer hul programme en stel bestedingsplanne en diensleweringsooreenkomste op
3. Begrotingsvoorstelle word by die Nasionale Tesourie ingedien en oorweeg
4. Toedelingsvoorstelle word deur tussende departementele komitees van Direkteurs-generaal oorweeg
5. Begrotingsaanbevelings word aan die Ministerskomitee gemaak
6. Mediumtermyn-begrotingsbeleidsverklaring kondig die komende begroting aan
7. Finale toedelings word deur die Kabinet gemaak
8. Begrotingsdokumente word voorberei
9. Hoofbegroting word ter tafel gelê
10. Die Parlement oorweeg en aanvaar 'n Begroting
11. Begroting word aan die President gestuur om dit 'n wet te maak

MOEILIKE KEUSES LEWER
RESULTATE VIR DIE EKONOMIE

Die 2026 Begroting toon dat die moeilike fiskale besluite wat oor die afgelope paar jaar deur die regering geneem is, uiteindelik lonend is. Die ekonomie het, selfs in 'n moeilike globale ekonomiese omgewing, lewenskragtig gebly, met die ekonomiese vooruitsig wat matige wins en groter geleenthede om belegging te bespoedig, toon.

Die regering bly daartoe verbind om die gesondheid van die staat se finansies te herstel. Daar word verwag dat regeringskuld as 'n deel van ekonomiese uitset in die huidige begrotingsjaar sy toppunt sal bereik en oor die volgende paar jaar sal afneem. Dis 'n belangrike wendingspunt, want leningsdienskosse as 'n deel van

inkomste verminder namate skuld verminder. Laer leningsdienskosse, tesame met verbeterde inflasievooruitsig na die besluit om die inflasietekens tot 3 persent te verminder, sal privaatbelegging en werkskepping verhoog.

Die regering het fiskale beleid met die primêre begrotingsoortruks oor die volgende 3 jaar veranker. Regeringskuld sal, met die voortgesette verhoging van die surplus oor die komende jare, op 'n volhoubare pad wees. Die R20 miljard in belastingverhogings wat vir die 2026 Begroting aangekondig is, is onttrek, gegewe dat die regering steeds verwag om sy fiskale tekens oor die mediumtermyn na te kom.

Daar word beraam dat die ekonomie in 2025 met 1,4 persent

gegroe het, op van 0,5 persent in 2024. Daar is, met vier agtereenvolgende kwartale van positiewe groei, werklike optimisme oor die groeivooruitsigte. Meer betroubare energie, verbeterde logistiek, sterker staatsfinansies en laer leningskosse dra by tot die meer rooskleurige vooruitsig.

Alhoewel die ekonomie lewensvatbaar gebly het, moet Suid-Afrika na plaaslike aandrywers kyk om die ekonomie te versterk. Om dit reg te stel, fokus die regering daarop om munisipaliteite en maatskappye in die staat se besit beter te laat funksioneer. Hoë werkloosheid bly die belangrike uitdaging vir alle Suid-Afrikaners en die stappe wat die regering in die 2026 Begroting neem sal help om werke te skep. Die boodskap van die 2026

“Laer leningsdienskosse, tesame met verbeterde inflasievooruitsig... sal privaatbelegging en werkskepping verhoog”

begroting is duidelik: Die fondasie word sterker. Die regering maak die ekonomie sterker vir alle Suid-Afrikaners deur by 'n verantwoordelike plan te hou.

VERMINDER DIE KOSTE VAN REGERINGS-LENINGS

Wanneer besteding inkomste oorskry, het die regering 'n tekort en leen die verskil. Die rente op regeringskuld het vinniger as die ekonomie gestyg en neem nou 'n groter gedeelte van die begroting as basiese onderwys, gesondheid of maatskaplike beskerming.

Die regering het stappe geneem om dit om te draai en te verseker dat skuld onder beheer is. Skuld as 'n gedeelte van ekonomiese uitset sal dié jaar sy hoogste punt bereik en dan begin afneem. Die hoofbegrotingstekort was ten tyde van die 2025 Begroting R12,4 miljard laer as voorspel as gevolg van sterk fiskale uitkomstes vir die eerste 10 maande van 2025/26.

Leningsdienskoste sal vir die eerste keer dié dekade stadiger as algehele besteding groei. Daar word



verwag dat die terugbetaling van skuld en die rente daarop oor die volgende 3 jaar R21 miljard laer as die beraamde 2025 Medium-termynbegrotingsbeleidsverklaring (MTBBV) gaan wees.

Die regering oorweeg maniere om 'n herhaling van die vinnige opbouing van skuld wat na 2009 plaasgevind het te vermy en sal veranderinge aan die wet voorstel om dit moontlik te maak. Die vooruitsig vir Suid-Afrika verbeter, met die land se ekonomie wat eeffe beter groei en die prys van goedere wat teen 'n stadiger koers

verhoog, en die vooruitsig vertoon as krediet aanslagopgraderings en laer lenerykoste. Dit laat die regering toe om die finansiële ruimte te hê om sy voorsiening van maatskaplike dienste soos gesondheid, onderwys, skooling, en ander sosio-ekonomiese regte in ooreenstemming met die Grondwet voort te sit.

Sonder stabiele of afnemende skuldvlakke sou leningsdienskoste steeds 'n groter gedeelte van beskikbare hulpbronne verbruik, wat belegging en produktiewe hoedanigheid en lewenstandaarde belemmer.

2026 BEGROTINGS-HOOGTEPUNTE

1. Die maatskaplike loon — waaronder onderwys-, vaardigheidsontwikkelings- en openbare indiensnamebesteding, die verskaffing van behuising, openbare vervoer en gratis basiese dienste en gesondheidsorg— sal 'n gemiddeld van 60 persent van nie-rentebesteding oor die mediumtermyn uitmaak.
2. Ekonomiese ontwikkeling is die vinnigste ontwikkelende funksie teen 'n jaarlikse gemiddeld van 5,2 persent, aangedryf deur hoër infrastruktuurtoedielings.
3. Regeringskuld sal in 2025/26 teen 78,9 persent van die BBP stabiliseer.
4. Werklike BBP-groei van 1,6 persent word vir 2026 beraam, wat in 2028 met 2 persent styg.
5. R41 miljard is in 2026/27 aan die Presidensiële Indiensnameprogram toegedeel.
6. Die R20 miljard belastingverhoging wat voorheen in die 2026-begroting ingesluit is, is onttrek.

Sien volgende bladsy →

HERVORMINGS OM PROVINSIES EN MUNISIPALITEITE BETER TE LAAT WERK



Die 2026 Begroting stel belangrike veranderings bekend om provinsies en munisipaliteite se bedrywighede en finansiële bestuur te verbeter. Die doelwit is om te verseker dat geld behoorlik gebruik word om dienste aan gemeenskappe te lewer.

Baie munisipaliteite sukkel en geld bereik nie altyd die dienste wat jy gebruik nie. Die regering tree meer direk in om dit reg te stel. 63 persent (162) van munisipaliteite ervaar finansiële nood en baie provinsies

sukkel om vergoedingskoste en diensleweringssuitsette te balanseer. Die nasionale regering beweeg nou van toesig na aktiewe ingryping.

Dié verskuiwing op munisipale vlak behels veranderings aan wetgewing en bestuursooreenkomste. Die regering pas streng dissipline toe in provinsies aangaande aanstellings en salarisbetalings. Dié maatreëls behels die sentralisering van die regeringsfunksies aangaande menslike hulpbronne, die betaallys en administrasiesistelsel, die uitvoer van werknemersverifikasie deur identifikasiesistelsels en om van provinsiale tesouriers en premierskantore te vereis om die vul van alle poste teen bewysde werwingsplanne en beskikbare befondsing, goed te keur. Dié hervormings beweeg die stelsel saam na 'n stelsel wat meer bekwaam, gedissiplineerd en prestasie-aangedrewe is om beter dienste te lewer.

VERWYDER WERKSKEPPINGS-EN EKONOMIESE GROEIHINDERNISSE

Vinniger groei en werke benodig betroubare elektrisiteit, doeltreffende spoorweë en hawens, en stabiele watertoevoer.

Onlangse begrotingspublikasies het die vordering op energie - en logistiek hervormings en die


hernude fokus op watersekerheid en infrastruktuurlewering, beklemtoon. Beurtrug is meestal afwesig, spoorvrag- en hawebedrywighede het gestabiliseer.

Suid-Afrika se groei hang ook af van die verwydering van hindernisse betreffende spoorvrag en hawens.

Watersekerheid het die hervormingsagenda laat versnel. Daar is 'n behoefte daaraan om verouderde waterinfrastruktuur te onderhou en op te gradeer, bestuur in waterrade te verbeter en toevoer uit te brei.




1 REGERINGSINKOMSTEBRONNE IN 2026/27



R 2 160.3mjd. 80.9%	BELASTING
R 324.3mjd. 12.2%	LENING
R 185.1mjd. 6.9%	NIE-BELASTINGINKOMSTE

2 REGERINGSBESTEDING IN 2026/27



R 446.6mjd. 16.7%	MAATSKAPLIKE ONTWIKKELING
R 432.4mjd. 16.2%	LENINGSDIENSKOSTE
R 358.6mjd. 13.4%	BASIESE ONDERWYS
R 294.3mjd. 11.0%	GEMEENSKAPS-ONTWIKKELING
R 310.4mjd. 11.6%	GESONDHEID
R 283.9mjd. 10.6%	EKONOMIESE ONTWIKKELING
R 274.6mjd. 10.3%	VREDE EN VEILIGHEID
R 155.8mjd. 5.8%	NASKOOLSE ONDERRIG EN OPLEIDING

3 MAATSKAPLIKE TOELAE


	2025/26	2026/27
OUDERDOMSTOELAAG	R2 315	R2 400
OORLOGVETERAANTOELAAG	R2 335	R2 420
ONGESKIKTHEIDSTOELAAG	R2 315	R2 400
PLEEGSORGTOELAAG	R1 250	R1 295
SORGAFHANKLIKHEIDSTOELAAG	R2 315	R2 400
KINDERONDERHOUDSTOELAAG	R560	R580
OPPASSERSTOELAAG	R560	R580



18 miljoen mense sal teen Maart 2029 maatskaplike toelae ontvang

Die Begroting sal die waardes van permanente toelae bo inflasie verhoog.

4 DIE BEGROTING ONDERSTEUN EKONOMIESE GROEI, WERKSKEPPING EN MAATSKAPLIKE ONTWIKKELING




1.6 persent werklike BBP-groei word in 2026 verwag.



60 persent van die regeringsbesteding word oor die mediumtermyn vir gemeenskapsontwikkeling, werke, gesondheid, onderwys en maatskaplike beskerming toegeken.



R4.1 miljard bykomende befondsing word aan die Presidensiële Indiensnameprogram toegeken.



R930 miljard word oor die volgende 3 jaar vir basiese dienste, behuising, openbare vervoer, ruimtelike transformasie en stedelike ontwikkeling toegeken.




R893.6 miljard oor die volgende 3 jaar vir vervaardiging, klein ondernemings en staatsindiensnameprogramme om ekonomiese groei en indiensname te stimuleer.

5 NASIONALE SKEMA VIR FINANSIËLE BYSTAND VIR STUDENTE



+ R54.3 miljard sal in 2026/27 deur die Nasionale Skema vir Finansiële Bystand vir Studente bestee word.

6 LENINGSDIENSKOSTE AS 'N PERSENTASIE VAN INKOMSTE



2026 BELASTINGS-VOORSTELLE



PERSOONLIKE INKOMSTEBELASTING

HOE RAAK DIE PERSOONLIKE INKOMSTEBELASTINGKOERSE JOU?

Persoonlike inkomstebelastingkategorieë en -kortings word vir die uitwerking van inflasie aangepas. Die bedrag wat 'n individu kan verdien voordat daar vereis word dat belasting vir die belastingjaar van 1 Maart 2026 tot 28 Februarie 2027 betaal word, is soos volg:

BELASTINGDREMPELS	BELASTINGJAAR: 2026/27
Onder 65 jaar oud	R99 000
65 tot 74 jaar oud	R153 250
75 jaar en ouer	R171 300

Die belastingkortings vir individuele belastingbetalers is soos volg:

BELASTINGKORTINGS	BELASTINGJAAR: 2026/27
Primêr (alle individue)	R17 820
Sekondêr (65 jaar en ouer)	R9 765
Tersiêr (75 jaar en ouer)	R3 249

GESONDHEIDSBELASTING

VERHOGINGS IN ALKOHOL- EN TABAKAKSYNS

Spesifieke aksynsbelasting op alkoholiese drank en tabakprodukte sal vanaf 25 Februarie 2026 met 3,4 persent verhoog.

	VERHOOG MET:
Moutbier	8c per 340ml blikkie
Ongefortifiseerde wyn	15c per 750ml bottel
Gefortifiseerde wyn	26c per 750ml bottel
Vonkelwyn	49c per 750ml bottel
Appelbier en alkoholiese vrugtedrankies	8c per 340ml blikkie
Spiritualieë	R3.20 per 750ml bottel
Sigarette	77c per pakkie van 20
Verhitte tabakproduktstokkies	58c per pakkie van 20
Sigarettabak	87c per 50g
Pyptabak	28c per 25g
Sigare	R4.56 per 23g
Nikotien- en nie-nikotienoplossing vir elektroniese leweringstelsels	11c per ml



BELASTINGKOERSE

INKOMSTEBELASTING: INDIVIDUE

Belasting betaalbaar deur individue vir die belastingjaar geëindig tussen 1 Maart 2026 en 28 Februarie 2027

Belasbare inkomste (R)	Belastingkoers (R)
R0 - R245 100	18% van belasbare inkomste
R245 101 - R383 100	R44 118 + 26% van belasbare inkomste bo R245 100
R383 101 - R530 200	R79 998 + 31% van belasbare inkomste bo R383 100
R530 201 - R695 800	R125 599 + 36% van belasbare inkomste bo R530 200
R695 801 - R887 000	R185 215 + 39% van belasbare inkomste bo R695 800
R887 001 - R1 878 600	R259 783 + 41% van belasbare inkomste bo R887 000
R1 878 601 en hoër	R666 339 + 45% van belasbare inkomste bo R1 878 600

Bron: Nasionale Tesourier

BELASTINGBEPERKINGS

Sekere belastingbeperkings word met ingang van 1 Maart 2026 aangepas.

	Vorige beperking	Aangepaste beperking
Jaarlikse bydrae tot belastingvrye belegging	R36 000	R46 000
Jaarlikse aftrekking vir bydraes tot pensioenfondse	R350 000	R430 000
Jaarlikse uitsluitings van kapitaalwins of verlies	R40 000	R50 000
Uitsluiting van kapitaalwins of verlies ten tyde van afsterwe	R300 000	R440 000
Uitsluiting van kapitaalwins of verlies op die verkoop van primêre woning	R2 000 000	R3 000 000
Omset van mikro-ondernemings vir omsetbelasting	R1 000 000	R2 300 000
Verpligte BTW-registrasiebepanking*	R1 000 000	R2 300 000

*Die verandering aan die BTW-registrasiebepanking sal op 1 April 2026 in werking tree.

Bron: Nasionale Tesourier

Skandeer dié QR-kode vir die PDF-weergawe van die Publiek se Gids tot die Begroting.



JOU
MENING
MAAK SAAK

HET JY DIÉ PUBLIEK SE GIDS TOT DIE BEGROTING NUTTIG GEVIND?

Ons soek altyd vir nuwe maniere om dié gids te verbeter en sal dit waardeer as jy jou terugvoer en voorstelle na Media@treasury.gov.za sal stuur.